



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Inqvisitorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

Idem.

urn:nbn:de:hbz:466:1-13589

*Inquisitores, in virtute obedientiæ, & sub pena excommunicationis, tenentur statim ipsos inquisitori. A
bus, & socijs eius, liberaliter providere de securo conductu de loco ad locum.*

Hoc rescriptum singulare continet privilegium, & valde necessarium, convenit cum sequenti, sed ambo fuerunt imprimenda, quia hoc ecclesiasticis personis, illud secularibus mittitur, & in sequenti præter penam excommunicationis, additur etiam pena pecuniaria aduersus non adimplentes quod præcipitur.

Edita anno Dⁿⁱ
mini 1260.



ALXANDER Episcopus, seruus seruorum Dei, Venerabilibus fratribus Episcopis, & dilectis filijs Abbatibus, Prioribus, Archidiaconis, Archipresbyteris, Præpositis, Plebanis, & alijs Ecclesiarum Prælati: & clericis religiosis, & secularibus, tam exemptis quam non exemptis, per Prouinciam Romanam, quæ continet Urbem cum suo districtu, patrimonium Beati Petri in Thufcia, Sabiniam, Reate cum sua dieces. Campaniam, & Maritimam constitutis, ad quos litteræ istæ peruenerint, Salutem & Apostolicam benedictionem.

Ex Archivo S^{cti} Fran
cisci de Assisio.

AD extirpandam de partibus vestris hæreticam prauitatem totis affectibus intendentes, inquisitionem faciendam in illis partibus contra resperfos huiusmodi prauitate dilecto filio fratri Andrea de ordine Minorum, duximus committendum. Vt igitur idem frater vestro fultus præsidio, in commisso sibi negotio inquisitionis, Deo propitio valeat prosperari: vniuersitatem vestram rogamus & hortamur attente, in virtute obedientiæ, ac sub pena excommunicationis per Apostolica vobis scripta præcipiendo mandantes, quatenus vos vniuersi & singuli, dicto fratri Andrea, & socijs eius, de securo conductu, quotiescumque vos super hoc duxerint requirendos, liberaliter, ac sine dilatione, de loco ad locum providere curetis: Preces nostras & præceptum taliter impleturi, vt pateat per effectum operis, quod sitis orthodoxæ fidei zelatores, Nosque deuotionem vestram, possimus exinde merito commendare. Datum Anagninæ, Idib. Martij, Pontificatus nostri Anno Sexto.

I D E M.

Nobiles, Barones, & ceteri seculares magistratus, & eorum officiales, & communitates ciuitatum per Inquisitores requisiti, sub pena excommunicationis, & mille Marcharum argenti, tenentur liberaliter, & sine dilatione providere Inquisitoribus, & eorum socijs de securo conductu de loco ad locum.

In quo conueniat cum superiori, & discrepet ab eo, supra dixi, singulare est privilegium: conuenit lex Frederici Imperatoris, Commissi. §. ad hæc. quæ est in hoc bullario.

Edita anno Dⁿⁱ
mini 1260.



ALXANDER Episcopus, seruus seruorum Dei, dilectis filijs nobilibus viris, Batonibus, Castellarijs, Potestatibus, Capitaneis, Rectoribus, Antianis, Prioribus, & eorum officialibus, necnon communitatibus, ciuitatum, Castrorum, & locorum Prouinciæ Romanæ, quæ continet Urbem cum suo districtu, patrimonium Beati Petri in Thufcia, Sabiniam, & Maritimam, ad quos litteræ istæ perueniant, Salutem & Apostolicam benedictionem.

Ex Archivo
conuentus S. Fr
cisci de Assisio.

AD extirpandam de partibus vestris hæreticam prauitatem totis affectibus intendentes, inquisitionem faciendam in illis partibus contra resperfos huiusmodi prauitate dilecto filio fratri Andrea de ordine Minorum duximus committendam. Vt igitur idem frater vestro fultus præsidio, in commisso sibi negotio inquisitionis Deo propitio valeat prosperari: vniuersitatem vestram rogamus, & hortamur attente, sub pena excommunicationis, ac mille Marcharum argenti, per Apostolica vobis scripta præcipiendo mandantes, quatenus vos vniuersi & singuli, dicto fratri Andrea, & socijs eius, de securo conductu quotiescumque vos super hoc duxerint requirendos, liberaliter, ac sine dilatione, de loco ad locum providere curetis: Preces nostras, & præceptum taliter impleturi, vt pateat per effectum operis, quod sitis orthodoxæ fidei zelatores, Nosque deuotionem vestram possimus exinde merito commendare. Datum, Anagninæ, Idib. Martij, Pontificatus nostri anno sexto.

I D E M.

Prælati ecclesiarum, Capitulis, & Conuentibus, ceterisque personis ecclesiasticis, & secularibus quam regularibus in virtute obedientiæ præcipitur, vt inquisitoribus, eorumque collegis opportuni fauoris præsidio assistant, eisq; exhibeant per se, per consanguineos, subditos, & deudos suos, consilium, & auxilium contra hæreticos, credentes, complices, fautores, defensores, & terrâ ipsorum quoties per Inquisitores fuerint requisiti.

Quo tempore hoc rescriptum est editum, quidam Capellus de Chia homo potens, hæretica prauitate infectas acriter inquisitori resistebat, nec poterat facile capi, quoniam intra terras ditionis suæ se continebat, Alexander Papa, vt rebellis homo caperetur, eodem fere tempore ad multas communitates ciuitatum sub eodem tenore verborum scripsit, vt auxilium præstarent inquisitori contra hæreticos, in primis autem contra Capellum de Chia, & complices suos, vidimus nos sex rescripta eisdem verbis concepta, data

A data eodem mense. videlicet Kalen. Aprilis, & ij. iij. & iiij. Kalen. Aprilis. Ex omnibus hæc solum duo imprimere visum est. huc spectant etiam sequentia illa rescripta. Licet vniuersi mundi, & Ex insinuatione, ex quibus hæc lumen accipiunt.



ALXANDER Episcopus seruus seruorum Dei venerabilibus fratribus vniuersis Episcopis, ac dilectis filiis . . . Abbatibus, Prioribus, Decanis, Archipresbyteris, Præpositis, Capitulis, & Conuentibus, ceterisque personis Ecclesiasticis secularibus, & regularibus, per Romanam Prouinciam constitutis, Salutem & Apostolicam benedictionem.

Edita anno Domini 1260.

DVM ad studium sollicitudinis, & diligentiae, quod dilectus filius frater Andreas de ordine Minorum Inquisitor haereticæ prauitatis in administratione B. Francisci, in negotio fidei, cuius executionem in terris eiusdem administrationis sibi commissimus, adhibuisse dignoscitur, aciem mentis nostræ conuertimus; dum salutis fructum, quem eiusdem religio fidei ex suis laboribus reportauit, sollicita meditatione reuoluimus, vitare non possumus, quin ipsum, ut pote virum in talibus iam experimēto probatum, in similibus commissione grauemus, firma credulitate tenentes, quod ea quæ sibi committimus, prospere, ac salubriter suæ circumspectionis industria dirigantur; de sua igitur prouidentia, & maturitate obtinentes certitudinem pleniorē, huiusmodi fidei negocium sibi, & quibusdam alijs fratribus suis ordinis, in Romana Prouincia, in qua vtrique vrbs, patrimonium Beati Petri in Tuscia, Sabinia, ciuitas, & diocesis. Reatin. Roman. Marsia, Campania, & Maritima includi noscuntur, confidenter, & plenarie duximus committendum. Ideoque vniuersitati vestræ per Apostolica scripta in virtute obedientiæ, districte præcipiendo mandamus, in remissionem vobis peccaminum nihilominus iniungentes, quatenus eidem fratri A. eiusque collegis, opportuni fauoris præsidio assistentes, omne quodcumque potestis, studeatis eis, per vos, consanguineos, subditos, & deuotos vestros, consilium & auxilium exhibere contra haereticos, credentes, complices, fautores, defensores, & receptatores, & terras eorum: & specialiter contra Capellum de Chia, vxorem, & filios, ac terram ipsius quoties ab eodem fratre Andraea, eiusue collegis, super hoc fueritis requisiti, ita quod ex hoc euidenter appareat, quod estis feruidi Catholicæ fidei zelatores, ac exinde à Deo præmium mereamini, dictaque sedis fauorem, & gratiam vobis vberius acquiratis, Datum Anagninæ ij. Kal. Aprilis, Pontificatus nostri anno sexto.

Ex Archiuijo cōuentus S. Francisci de Assisio.

I D E M.

Magistratus seculares sub pena excommunicationis, cum requisiti fuerint per Inquisitores, tenentur eis assistere opportuni fauoris præsidio, & exhibere eis consilium, & auxilium, exercitum contra haereticos, & ceteros in fide suspectos congregando, ad depopulationem, & exterminium terrarum ipsorum hostiliter procedendo.



ALXANDER Episcopus seruus seruorum Dei, dilectis filiis . . . Potestati . . . Capitulo, Consilio & Commun. Tuscanen. fidelibus nostris, Salutem & Apostolicam benedictionem.

Edita anno Domini 1260.

DVM ad studium sollicitudinis, & diligentiae, quod dilectus filius frater Andreas de ordine Minorum Inquisitor haereticæ prauitatis, in administratione Beati Francisci, in negotio fidei, cuius executionem in terris eiusdem administrationis sibi commissimus, adhibuisse dignoscitur, aciem mentis nostræ conuertimus; dum salutis fructum, quem eiusdem religio fidei, ex suis laboribus reportauit sollicita meditatione pensamus, vitare non possumus, quin ipsum utpote virum in talibus iam experimēto probatum, in similibus commissione grauemus, firma credulitate tenentes, quod ea quæ sibi committimus, prospere, ac salubriter suæ circumspectionis industria dirigantur. De sua igitur prouidentia, & maturitate obtinentes certitudinem pleniorē, huiusmodi fidei negocium sibi, & quibusdam alijs fratribus sui ordinis, in Romana Prouincia, in qua vtrique vrbs patrimonium B. Petri in Tuscia, Sabinia, ciuitas, & diocesis. Reatin. Romania, Marsia, Campania, & Maritima includi noscuntur, confidenter & plenarie duximus committendum. Ideoque vniuersitati vestræ per Apostolica scripta sub debito fidelitatis, quod Ecclesiæ Romanæ tenemini, & excommunicationis pena districte præcipiendo mandamus, in remissionem vobis peccaminum nihilominus iniungentes, quatenus eidem fratri A. eiusque collegis opportuni fauoris præsidio assistentes, omne quodcumque potestis, studeatis eis consilium, & auxiliū exhibere. exercitum contra haereticos, credentes, complices, fautores, defensores, & receptatores eorum, & specialiter contra Capellum de Chia, vxorem, & filios, ac terras ipsorum, quoties à dilecto filio Magistro Raynerio de Viterbio Capellano nostro, rectore patrimonij Beati Petri in Tuscia, cui super hoc efficaciter scribimus, vel ab eodem fratre Andraea, eiusue collegis requisiti super hoc fueritis, congregando, & ad depopulationem, & exterminium terrarum huiusmodi, hostiliter procedendo, ita quod ex hoc euidenter appareat, quod estis feruidi Catholicæ fidei zelatores, ac exinde à Deo præmium mereamini, dictaque sedis fauorem, & gratiam vobis vberius acquiratis. Datum Anagninæ ij. Calen. Aprilis, Pontificatus nostri anno sexto.

Ex Archiuijo cōuentus S. Francisci de Assisio.

Facit Conciliū Bituricē c. 29.

Bv. de Cur.

C 3 IDEM